



BOKED EURED



LAN

ha


DISLAN

# BOKED EURED

(Ton savet e Lennon war-dro 1875  
ha kanet gant an Itron Toullec  
eus Keraez (Kerne))

Komzou dastumet gant  
**Albert TREVIDIC**

Ton dastumet gant  
**Polig MONJARRET**



Dont a ran da c'houlenn es-Kuz



di-ganeoc'h Kompagnunez, E-vit ma



Ka-nin ar bo-Ked, ma ve-femp holl asamblez.

## I

Dont a ran da c'houlenn eskuz, diganeoc'h Kompagnunez (1),  
Evit ma kanin ar Boked, ma vefemp holl asamblez (2).

## II

Mar plij ganeoc'h dont d'am selaou en enor da zaou zen yaouank  
Hag a vo eureujet hirio ouz taol sakr ar sakramant.

## III

Eiz deiz 'zo tremenet a-boan 'baoc' oc'h « avertisset » (3)  
Evit dont tre, betek aman da gemer perz en eured.

## IV

Pa oa nav eur hanter o son, ar wreg yaouank oa gwisket,  
Evit dont betek an iliz, evit beza eureujet.

## V

Ar paotr-enor, ar plac'h-enor 'oa eno e-kreiz an ti  
P'o devoe graet o c'hompliment (4) e voent prest d'o c'hondui (5).

## VI

Met houman 'oa eur plac'hig fur, hag eur plac'hig savet mat,  
Ha 'deus astennet he faziou evit mont betek he zad.

VII

Dizrei a ra war-du he mamm pehini 'deus he ganet  
A zo bet e-riskl he buhez evit he lakaat er bed.

VIII

Rei 'ra dezi he briata an dour en he daoulagad,  
« Petra dalv d'in-me skuilh daelou, pa renkan-me ho kuitaat.

IX

Rak ma 'z oun *choajet* (6) gant Doue, evit *chanj* (7) *pozision* (8)  
O vont da guitaat va zud kaez, eo glac'haret va c'halon.

X

Dont 'ran da *larout* (9) kenavo, maez eus ti va mamm, va zad  
Lec'h oun bet maget *dizoursi* (10) hag ivez bet savet-mat.

XI

Plijout 'rae din va *liberte* (1), evit redek d'an dansou,  
Met breman 'renkin dilezel va holl *akoustumansou* (12).

XII

Breman 'chomin gant va labour, dilezet an dansou-se  
Me a bedo an dud da vont, holl breman da di Doue. »

XIII

Dre ar parkou hag ar prajou, e vez gwelet ar seblant ;  
An holl guitaefent o labour 'vit dont d'ho kwel 'plac'h yaouank.

XIV

Rak hirio 'barz ar gêrig-man, e vo roet ar boked,  
D'ar verc'h hena eus an ti-man evit beza eureujet.

XV

Heta a ran deoch ar yec'hed hag ivez *prosperite* (13)  
Chans vat deoc'h e-barz ho *menaj* (14) hag unvaniez ivez.

XVI

Hag araok echui ar son, goulennit 'ta karantez  
Evit an daou zen yaouank-man, 'pad ar rest eus o buhez.

XVII

Nemet pa zeuo ar maro, da lakaat fin d'ho puhe  
*Gloar* (15) ha *boneur* (16), chans hir-badus, e-pad an *eternite* (17).

---

(1) Va mignoned. — (2) A-gevret. — (3) Kemennet. — (4) Gourc'hemennou. — (5) Kas. — (6) Dibabet. — (7) Kemma. — (8) Renk. — (9) Lavarout. — (10) Dinec'h. — (11) Frankiz. — (12) Kustumou. — (13) Berz. — (14) Tiegez. — (15) Brud vat. — (16) Eürusted. — (17) Peurbadelez.

---



# A paraître prochainement :

UN DISPUD 'TRE YANN HA JANED  
AR GARANTEZ VIL  
KAN BALE AR FALC'HERIEN  
ARAOK MONT DA SOUDARD  
AR BROMESA TAER  
AR BROMESA TORRET  
AR MINOR YAOUANK  
SON AR MILINER  
AR C'HOGIG YAOUANK  
SON KUPIDON  
HERRIED HA CHARLEZ  
YANN-LOEIZ HA MARYVONN  
AR SERJANT-MAJOR  
METIG  
DANS AR PODOU FER  
PA OAN SEVEL KRAPENN AR ROZ  
AN DEVEZ N'EUR VONT DA BOURMEN  
NE BRIZOMP KET EUN TIEGEZ (Kan-bale « fanch »)  
DIOU BLAC'H YAOUANK DIWAR AR MAEZ (Kan-bale « fisel »)  
TAOLENN AR YAOUANKIZ  
ERRU EO AR MOMANT VA MERC'H  
LIJER MARI-LIJER  
SOAZIG KANFANTENN  
VA MAMM 'C'HOULENN GANIN-ME  
PERINAIG AR MIGNON  
TREMENET EO GOUEL AR ROUANED (Kan-bale)  
DIKRIET BRAS OUN D'AM MESTREZ  
YANN GOGIG  
KIMIAD AR SOUDARD  
SOUBENN AL LAEZ  
SON AR PRIZONIER 1914  
E KER E-KICHEN KOM  
N'EO KET 'BARZ TI AN OSTIZEZ  
DIOUZ UNAN ME 'YA DA ZAOU  
JE VOUS SUPPLIE MADEMOISELLE  
EUS DIMEZI NA GOMZIT KET D'IN  
AR MARC'HADOUR BIHAN  
ME M'EUS CHOAJET 'VIT MESTREZ

*Hag halh...*

